



Fernand ETGEN  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, , den 19/02/2021

**Här President,**

**Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Wirtschaft weiderzeleeden.**

An deem vum 15te Februar 2021 vu *reporter.lu* verëffentlichten Artikel "Das System SuperDrecksKëscht" gëtt den Direkter vun der Ëmweltverwaltung mat de Wierder zitéiert, "der Staat habe juristisch nicht die Möglichkeit, sich eine Marke schützen zu lassen".

Zanter 2017 ass awer zum Beispill de Slogan "LUXEMBOURG - Let's make it happen" fir de Benelux-Raum geschützt.

Zanter Dezember 2020 leeft och eng Prozedur fir de "Let's make it happen" um Niveau vun der EU schützen ze loossen.

An deem Zesammenhang wéilt ech dem Minister dës Froe stellen:

1. Wéi vill Marken huet de Staat - dat heescht d'Regierung, d'Ministèren, hier Verwaltungen an aner ëffentlech Institutiounen - fir sech selwer schützen gelooss, sief et um Niveau Benelux, an der Europäescher Unioun oder driwwer eraus ?
2. Ëm wéi eng Marken handelt et sech?
3. Wat sinn d'Virdeeler an d'Interessen, wann de Staat sech eng Mark selwer schütze léisst?

Mat déiwem Respekt,

GOERGEN Marc  
Député

